



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 58. Tumultus post Mahometis obitum Constantinopoli suscitati

[urn:nbn:de:hbz:466:1-66444](https://nbn-resolving.de/urn:nbn:de:hbz:466:1-66444)

& Magno Rhodiorum Magistro, omnibus ^{Saccul.} XV.
juratis Turcarum hostibus, suppetias ^{A. C. 1481.}
quærere coactus est. Ad hos igitur fe-
stinus accurrit, nonnisi quadraginta Equi-
tibus stipatus, & per incognitas plagas
diu noctuque progrediens, demum in Sy-
riam contendit, inde vero per Arabiam
desertam tandem Cairum pervenit. Hunc
velut illustrem quemdam Principem
Gait-Bey, seu Ægypti Sultanus summis
honoribus exceptit, ipsamque ejus uxo-
rem, ac liberos paulopost Cairo adven-
tantes haud vulgaribus benevolentiae si-
guis prosecutus est. Porro Sultanus Zi-
zimum in gratiam Bajazethis reducere,
ac concordiam inter utrumque fratrem
conciliare studebat, frustraneo tamen co-
natu, nec minus iniquo Zizimi rebus fa-
to; quippe tot pacis articuli identidem
proponebantur, ut Zizimus longiori mo-
ra detentus, tempus consiliis suis maxi-
me opportunum irreparabili fortunæ suæ
damno otiosus perderet.

§. LVIII.

*Tumultus post Mahometis obitum Con-
stantinopoli suscitati.*

Jamjam Bajazethes die decima nona
Maji Constantinopolim venerat, nec
tamen sine ingentibus obstaculis firmum
imperii sui solium concendere poterat;
Proce-

Secul. XV. Procerum enim potissimi Zizimo favebant, sperabantque, se sub ejus regimine bene, fortunateque vitam transacturos, eoquod illum velut Principem præclaris omnino dotibus præditum venerarentur. Ea etiam ex caufsa illum Mahometes imperio magis aptum censebat quam Bajazethem ejus fratrem, qui in libidinem magis effusus, quam bellicæ gloriæ cupidus erat. Hinc sensim tantopere seditio invaluit, ut etiam ad manus ventum esset, ac Bassarum unus trucidaretur. Ad sedandum populi tumultum Bajazethis fautores Corchutem ejus Filium adhuc puerum, qui Constantinopolis educabatur, in regio solio colloca-
bant, hacque via imperium Bajazethi asserebant; hic vero vix Constantinopolim advenerat, cum illico proprium filium suum in Asiam relegaret, quibusdam ditionibus eidem assignatis, ut hoc pacto exauctorationis suæ dolorem & quius toleraret. Ceteros quoque Filios suos in diversas Asiae Provincias amandabat, eoquod sibi ab eis periculum imminere suspicaretur.

§. LIX.
Amurathis Filius imperii Turcici æmulus.

Sub idem tempus apud Matthiam Hungariæ Regem Vir quidam diversabatur,